

Datum: 26.10.2015.godine,

Projekat Visokog sudskog i tužilačkog vijeća Bosne i Hercegovine "Podrška pravosuđu u Bosni i Hercegovini – Jačanje uloge tužilaca u sistemu krivičnog pravosuđa" koji podržavaju Švicarska i Kraljevina Norveška objavljuje:

JAVNI POZIV

Za podošenje prijedloga projekata – programa prevencije kriminala za dodjelu grantova nevladinim organizacijama/udruženjima i obrazovnim ustanovama koje su aktivne u sektoru pravosuđa

Uvod

Postoje jasni dokazi da dobro planirane strategije za prevenciju kriminala ne samo da sprječavaju kriminal i viktimizaciju, nego i promovišu sigurnost u zajednici i doprinose održivom razvoju zemlje. Efikasna, odgovorna prevencija kriminala poboljšava kvalitetu života svih građana. Ona ima dugoročnu korist u smislu smanjenja troškova povezanih s formalnim sistemom krivičnog pravosuđa, kao i drugim troškovima proisteklih iz kriminala.

EU definiše prevenciju kriminaliteta na način da ona "...obuhvaća sve mjere kojima se smanjuje ili na drugi način pridonosi kvantitativnom i kvalitativnom smanjenju kriminaliteta i osjećaja nesigurnosti kod građana, bilo kroz direktno odvratanje od kriminalnih aktivnosti ili kroz politiku i intervencije osmišljene u cilju smanjenja potencijala za kriminal i uzroka kriminala. To uključuje rad Vlade, nadležnih vlasti, agencija za krivično pravo, lokalnih vlasti, udruženja stručnjaka, privatnog, dobrovoljnog i civilnog sektora, naučnika i javnosti, potpomognutih medijima".¹

Visoko sudsko i tužilačko vijeće Bosne i Hercegovine, implementira projekat "Podrška pravosuđu u Bosni i Hercegovini - Jačanje uloge tužilaca u sistemu krivičnog pravosuđa" koji podržavaju Švicarska i Kraljevina Norveška. Jedna od aktivnosti koju Projekat implementira je i dodjela grantova za prijedloge preventivnih programa koji za cilj imaju dugoročno smanjenje počinjenja određenih vrsta krivičnih djela u BiH što će dovesti i do smanjenja obima krivičnih predmeta u tužilaštvima.

Ostvarenje navedenog cilja planirano je kroz uspostavljanje šeme malih grantova u cilju podrške organizacijama koje su aktivne u sektoru pravosuđa i sveobuhvatnu koordinaciju i monitoring aktivnosti koje su sprovedene od strane odabranih nevladinih organizacija u ovom kontekstu.

U skladu sa strateškom orijentacijom i ciljevima Projekta VSTV-a BiH, "Podrška pravosuđu u Bosni i Hercegovini - Jačanje uloge tužilaca u sistemu krivičnog pravosuđa" projektni prijedlozi treba da budu usmjereni na prevenciju kriminaliteta u Bosni i Hercegovini.

¹ Član 1.3. Odluke Vijeća od 2001. godine o uspostavi Evropske mreže za prevenciju kriminaliteta.

Lokalni pristup problematici

Pored osnovnih elemenata, prijedlog projekta/programa prevencije kriminala treba da sadrži:

- jasno prikazanu stvarnu potebu za prevencijom određene vrste kriminala na odabranoj regiji, t.j. lokalni prikaz fenomena kriminaliteta, njegove osobine, faktore koji dovode do njega te oblik i obim koji poprima;
- razradu mogućih rješenja za ove probleme u lokalnom kontekstu;
- identifikaciju svih relevantnih aktera koji bi mogli da učestvuju u aktivnostima prevencije kriminala;
- aktivnosti s ciljem osnivanja konsultacijskih mehanizama koji pospješuju užu povezanost, razmjenu informacija i zajednicki rad;

Oblasti kriminaliteta

Projektni prijedlozi koji mogu biti razmatrani u okviru programa malih grantova, treba da se odnose na jednu ili više sljedećih oblasti kriminaliteta:

- upotreba narkotika,
- trgovina ljudima,
- seksualno iskorištavanje djece,
- krivična djela počinjena iz mržnje,
- nezakonita upotreba interneta i cyber kriminal,
- ilegalna trgovina vatrenim oružjem,
- rodno zasnovano nasilje,

Pravo učešća

Na ovaj javni poziv mogu se prijaviti nevladine organizacije i obrazovne ustanove registrovane u skladu sa važećim propisima u Bosni i Hercegovini. Projektni prijedlozi se podnose isključivo na Obrascu za prijavu. Uz prijavu je potrebno dostaviti i listu prethodnih projekata i aktivnosti sa naznakom vremena trajanja. VSTV će izvršiti proces selekcije uspješnih prijedloga, a sredstva za grantove biće isplaćena od strane Vlade Švicarske.

Na ovaj javni poziv mogu se predati prijedlozi projekata čiji je traženi budžet u iznosu od 10.000,00 KM do 25.000,00 KM.

Trajanje projekata

Period implementacije ne može biti kraći od šest mjeseci niti duži od jedne godine od dana potpisivanja ugovora, s tim što svaki odobreni projekat mora biti implementiran najkasnije do 31.12.2016.godine.

Dokumentacija za prijavu na Javni poziv za podnošenje projektnih prijedloga može se preuzeti na ovom [linku](#).

Ispunjen Obrazac za prijavu, sa svom zahtjevanom dokumentacijom, se dostavlja na e-mail adresu VSTVProjekatzaTuzilastva@pravosudje.ba na jednom od službenih jezika u upotrebi u BiH, sa naznakom: „Prijava na javni poziv – Programi prevencije kriminaliteta u BiH“

Rok za predaju prijedloga projekata je **20. 11. 2015. g u 16:00 sati**. Prijave koje budu pristigle poslije navedenog roka neće biti razmatrane.

Sve informacije o Javnom pozivu mogu se dobiti na broj telefona: 033/707-523 ili upitom na email: VSTVProjekatzTuzilastva@pravosudje.ba